

STRANKA DEMOKRATSKE AKCIJE BIH PARTY OF DEMOCRATIC ACTION BIH

OPĆINSKI ODBOR ZAVIDOVIĆI UL.DR.PINKASA BANDTA B.B.

Tel/fax: + 387 32 878 970 e-mail: sdazav@bih.net.ba

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZAVIDOVIĆI
STRUČNA SLUŽBA GRADONAČELNIKA

Primljeno: 03-09-2025			
Org. jga.	Kl. ozna.	Red. broj	Br. prijega
01	04	1616	18

Dževad Ikanović
- vijećnik Stranke demokratske akcije
u Gradskom vijeću Zavidovići -

Mećevići b.b.
ZAVIDOVIĆI

GRADSKO VIJEĆE
- n/r predsjedavajuće GV-a -
ZAVIDOVIĆI

PREDMET: Vijećnička inicijativa

Na osnovu člana 109. Poslovnika o radu Općinskog vijeća Zavidovići, podnosim vijećničku inicijativu kojom tražim da Gradsko vijeće Zavidovići donese zaključak kojim se:

1. Zadužuje Služba za upravu civilne zaštite Grada Zavidovići da uputi hitan zahtjev prema Federalnoj upravi civilne zaštite, Centru za uklanjanje mina u BiH (BHMAG) i ostalim nadležnim institucijama da Grad Zavidovići uvrste u prioritetna područja za deminiranje u 2026. godini.

2. Formira radna grupa na nivou Grada Zavidovići, koja će identifikovati i predložiti prioritetne lokacije za deminiranje (uz konsultacije s mjesnim zajednicama i relevantnim službama).

3. Pokreće kampanja informisanja građana o prisustvu minskih polja i opasnosti koju ona nose, te o mjerama samozaštite.

O b r a z l o ž e n j e

Grad Zavidovići spada među teritorijalno veće gradove u Bosni i Hercegovini, a značajan dio prostora i dalje je ugrožen prisustvom minsko-eksplozivnih sredstava i zaostalih minskih polja iz prethodne agresije. Nažalost, vrlo mali procenat tih područja je obilježen, što predstavlja direktnu prijetnju sigurnosti građana, a ujedno onemogućava iskorištavanje prirodnih i privrednih potencijala grada – posebno u sektoru poljoprivrede, šumarstva i turizma.

Cilj ove inicijative je zaštita ljudskih života, stvaranje uslova za razvoj ruralnih područja, te otvaranje mogućnosti za održivi razvoj grada kroz poljoprivredu, turizam i druge djelatnosti.


Grad Zavidovići ne smije i dalje biti talac nevidljivih prijetnji iz prošlosti. Vrijeme je da zajednički pokrenemo konkretne korake ka sigurnijoj budućnosti.

S poštovanjem.

Zavidovići, Juni 2025. godine

GRADSKI VIJEĆNIK

Dževad Ikanović





Broj: 02-04-1545/25-AP-5
Datum: 26.08.2025. godine

STRUČNA SLUŽBA
GRADSKOG VIJEĆA ZAVIDOVIĆI
- O v d j e -

PREDMET: Stav po inicijativi vijećnika Dževada Ikanovića za donošenje zaključaka vezano za provođenje aktivnosti deminiranja na području Grada Zavidovići, dostavlja se

U prilogu akta dostavljam vam stav po inicijativi vijećnika Dževada Ikanovića podnesenu za donošenje zaključaka vezano za provođenje aktivnosti deminiranja na području Grada Zavidovići.

Stav po podnesenoj inicijativi dostavljam u skladu sa članom 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023).

S poštovanjem

Dostavljeno:

1. Naslovu,
2. U spis.

Akt pripremila:

(Fatima Merdanović)

Akt pregledao:

(Nermin Čahtarević)



GRADONAČELNICA

mr. iur. Erna Merdić Smailhodžić



Broj: 02-04-1545/25-AP-4
Datum: 26.08.2025. godine

GRAD ZAVIDOVIĆI
GRADSKO VIJEĆE ZAVIDOVIĆI
- O v d j e -

Na osnovu člana 109. stav (5) Poslovnika o radu Gradskog vijeća Zavidovići – novi prečišćeni tekst („Službeni glasnik Grada Zavidovići“, broj: 7/2022 i 1/2023), povodom podnesene inicijative vijećnika Dževada Ikanovića za donošenje zaključaka vezano za provođenje aktivnosti deminiranja na području Grada Zavidovići dostavljam:

PREDMET: Stav po inicijativi vijećnika Dževada Ikanovića za donošenje zaključaka vezano za provođenje aktivnosti deminiranja na području Grada Zavidovići, dostavlja se

Inicijativa vijećnika Dževada Ikanovića za donošenje zaključaka vezano za provođenje aktivnosti deminiranja na području Grada Zavidovići djelimično se prihvata i to tačke 1. i 3., a tačka 2. se ne prihvata.

Služba za upravu civilne zaštite Grada Zavidovići u okviru svojih redovnih djelatnosti je tokom proteklog perioda, u saradnji sa mjesnim zajednicama, udruženjima građana (lovačkim udruženjima, SNIK „ATOM“, planinarskim društvima, šumskim upravama) i drugim pravnim licima izvršila identifikaciju i utvrdila lokacije minskih sumnjivih površina na kompletnoj teritoriji Grada Zavidovići. Na osnovu toga utvrđene su i liste proritetnog deminiranja (putne komunikacije drumske i željezničke, naseljena mjesta, lokalni vodovodi, povratnička naselja).

Sve navedene lokacije su obrađene, geolocirane i tabelarno poslane propisanom procedurom prema Kantonalnoj upravi civilne zaštite, ona dalje u nadležnost Centru za uklanjanje mina – BH MAC-u. U saradnji sa BH MAC-om - Regionalni ured Tuzla koji su nadležni za sve protuminske akcije na području Grada Zavidovići izvršeno je polutrajno ili trajno obilježavanje znakovima upozorenja na opasnost od mina najvećeg dijela sumnjivih površina (oko 90% Grada Zavidovići je označeno, a u toku su aktivnosti na lokaciji MZ Gostovića - Grabovica i Parka prirode Tajan).

Listu proritetnih zadataka deminiranja donosi Komisija za deminiranje u BiH, Centar za uklanjanje mina u BiH i regionalni ured Tuzla. U 2025. godini usvojena je lista proritetnog deminiranja u kojoj su tri lokacije na području Grada Zavidovići i to: Svinjašnica - Pašin Konak površine 3.355.379,30 m², Vozuća 1 površine 1.466,428,20 i Džine površine 1.674.681,50 m².

Ovdje moramo naglasiti da će kao jedan od ključnih faktora koji će uticati na tempo i dinamiku deminiranja u narednom periodu biti ulaganje sredstava lokalne zajednice iz budžeta

Grada Zavidovići, jer donatori uslovljavaju ulaganje svojih sredstava sa inicijativama lokalne zajednice kako bi shvatili važnost projekta. U narednom periodu potrebno je planirati u Budžetu Grada Zavidovići značajnija sredstva za ovu namjenu.

Služba za upravu civilne zaštite Grada Zavidovići će uputiti zahtjev gore navedenim institucijama u kome će ih informisati o predmetnoj inicijativi i zatražiti da se područje Grada Zavidovići stavi u još veći prioritet za deminiranje terena koja su označena kao sumnjiva i kontaminirana minskoeksplozivnim sredstvima.

Imajući u vidu gore navedeno smatramo da nema potrebe za formiranjem Radne grupe za identifikovanje i predlaganje prioriternih lokacija za deminiranje.

Aktivnosti oko pokretanja, kako je nevedeno u inicijativi, kampanje informisanja građana o prisustvu minskih polja i opasnosti koju ona nose, te o mjerama samozaštite, će se pokrenuti kroz sadržaje informisanja posredstvom medija, udruženja, i mjesnih zajednica na način da će se izraditi i distribuirati leci prikladnog sadržaja za ovu tematiku, prezentacijom određenih karata, audio i video sadržaja, upućivanjem na aplikaciju o minskim poljima koja može biti svakom dostupna i sl.

S poštovanjem

Dostavljeno:

1. Naslovu,
2. U spis.

Akt pripremio:

(Safet Dželo)

Akt pregledao:

(Izet Bašić)

Akt pregledao:

(Nermin Čahtarević)



GRADONAČELNICA

mr. iur. Erna Merdić Smailhodžić